

刑部比照加減成案續編

刑部比照加減成案續編卷十六

杭州許樾訂

刑律人命

戲殺誤殺過失殺傷人

陝西司

道光九年

陝督谷安定縣孫有泉兒年甫八歲與年甫十一歲之楊六六子鄰居常相頑耍嗣

該犯與楊六六子孫小定兒赴山牧羊。拋
擲土塊戲耍。該犯將土擲去。楊六六子從
旁搶拾。自擲土塊。致被該犯擲土。誤傷右
耳竅殞命。該撫將孫有泉兒依過失殺律
收贖。咨部查孫有泉兒與楊六六子拋擲
土塊戲耍。致誤傷楊六六子身死。正與戲
殺之律相符。該督將該犯依過失殺律收

贖。殊。屬。錯。誤。應。令。按。律。妥。擬。到。日。再。行。核。議。

河南司 道光十三年

提督咨送王大因徐五借伊當衣錢文。屢。討。未。還。致。伊。無。錢。取。贖。衣服。不能上工。心。懷。忿。恨。起。意。殺。死。徐。五。致。誤。扎。徐。大。心。坎。身。死。並。將。徐。五。扎。傷。平。復。例。無。謀。殺。人。而。

誤殺其人期親尊長一命。作何治罪明文。
自應仍按謀殺人而誤殺旁人。本律問擬。
王大合依謀殺人而誤殺旁人者。以故殺
論。故殺者。斬。律擬斬監候。

陝西司 道光四年

陝撫谷高子兒。因見雷欣潮。欲向雷登幅
撲毆。上前拉勸。不惟與已死張庭茂。並無

鬪情。卽與雷欣潮亦無鬪意。高子兒因踏
麥禾失足滑跌。不知張庭茂在於背後彎
身拾鎌。將其壓撞側跌倒地。致地下所遺
鎌刀尖。碰傷張庭茂額顱左實屬耳目所
不及思慮所不到。張庭茂所受碰傷。原驗
並未損骨。業已結痂。因傷處發癢。自行抓
落傷痂。以致傷口進風。越十八日身死。死

雖因傷抽風。惟罪坐所由核。與足有蹉跌。累及同伴。初無害人之意。而偶致殺傷人。之律。注相符。高子兒。應照過失殺人者。准鬪殺罪。依律收贖。

陝西司 道光七年

陝督咨肅州呂學義。因追毆服弟呂學正。自行絆跌。內損身死。查毆大功以下尊長。

律注云。不言過失殺者。蓋各准本條論贖之法等語。詳參律注各字之義。係兼尊長與卑幼而言。本條論贖之法。係指凡人過失殺者。收贖而言。考諸過失殺傷收贖圖內。並無大功以下卑幼過失殺傷尊長暨尊長過失殺傷卑幼。作何收贖明文。以法同凡論。故毋庸議。此案呂學正。因引水灌

既已田。適伊大功堂兄呂學義趨至。屬令
堵塞溝口。讓其先灌。該犯央俟少遲。灌足
再行堵閉。呂學義斥罵撲毆。該犯畏懼跑
走。呂學義尾追。以致自行被石絆跌倒地。
內損殞命。該督以該犯並無抗爭情形。呂
學義自行失跌致斃。既出該犯思慮之外。
尤非耳目所能及。將該犯於過失殺期親

尊長滿徒律上。量減一等。擬杖九十。徒二年半。不准收贖等因。咨部。本部以呂學義、因追毆服弟呂學正、自行絆跌內損身死。呂學正之奔跑。自有畏懼尊長之心。並無抗爭情形。呂學義之自行失跌致死。旣出該犯思慮之外。尤非耳目所能及。正與過失殺律注相符。自應依凡人過失殺。准鬪

殺罪依律收贖。該督將呂學正比依過失殺期親尊長。量減擬徒。係屬錯誤。呂學正應改依過失殺人者。准鬪殺罪依律收贖。給付被殺之家。

安徽司 道光九年

安撫咨武奉鳴過失傷陶咬住。越十日因風身死。該撫將武奉鳴於准鬪殺絞罪上。

減等滿流。事犯在道光八年十一月初九日

恩詔以前。累減滿徒。依律收贖。部查此係虛擬罪名。應行收贖之案。向不援引。

恩詔仍應在該犯名下。照過失殺流罪。追取收贖銀十兩六錢四分五釐。

山東司 道光十四年

東撫咨鄭來禮因欲修築牆垣在牆上面
向東首用鋤拆掘適鄭來義自西走至鄭
來禮背後鄭來禮並未眼見因鋤勢往後
致掘落土塊砸傷鄭來義身死實出鄭來
禮意料之外核與耳目所不及思慮所不
到初無害人之意偶致殺人之律注相符
查鄭來禮係鄭來義小功堂弟遍查律例

並無過失殺小功尊長。作何治罪。明文惟查乾隆十五年本部通行親屬過失殺兄。律內不載者。以凡論收贖等語。自應遵照。問擬鄭來禮合依過失殺人者。准鬪殺收贖律。照例收贖銀十兩四錢二分。給屍親收領營葬。

安徽司 道光十四年

安撫容劉明雇令張五及李大等同往鋸伐樹株。嗣劉明李大兩人拉鋸。樹身將及倒下時。已昏黑。不期張五趕往該處拾取衣服。躲避不及。被樹砸傷身死。實出意料之外。劉明李大兩人既係一同拉鋸。兩人俱係過失殺。人原無首從。可言均合依過失殺人。在鬪殺罪收贖律。各追取收贖銀。

六兩二錢一分給屍親具領營葬。

陝西司 道光十年

烏魯木齊都統奏幼孩馮存保子因戲誤傷石莊娃子身死該都統將馮存保子依過失殺律收贖本部以該犯馮存保子與弟馮根娃子擊扒戲耍誤傷石莊娃子身死正與因戲而誤殺旁人之例相符行令

改擬去後。茲據照駁更正。將馮存保子。改依因戲而誤殺。旁人絞監候例。擬絞監候。惟馮存保子。年甫十三歲。究係無心戲殺。請援照丁乞三仔例。量予減等等語。查幼孩毆斃人命之案。例准聲請減等者。必死者。年歲實長於兇犯。四歲以上。方可照此辦理。茲馮存保子。年甫十三。雖在十五歲

以下。惟已死石莊娃子年僅十四。其長於
兇犯並未及四歲以上。殊與定例不符。應
毋庸議。

河南司 道光十一年

河撫題歸德營汛兵朱金峰操演連環鳥
鎗。誤裝鉛彈點放。致將看視之民人潘貴
容打傷身死。遍查律例。並無兵丁因操演

誤傷平人斃命。作何治罪。明文自應比例問擬。朱金峰應比照圍場內射獸兵丁因射獸而誤傷平人致死者。照比較拳棒戲殺絞監候律擬絞監候。

河南司 道光十四年

河撫題滑縣何孤塚因瘋砍傷耿聚淋身死案內之地保何學該撫照不應重律杖

八十。本部查地保何學、於何孤塚患瘋。容
隱不報、改照瘋病之人、親屬鄰佑人等、容
隱不報、致殺他人、照知人謀害他人、不卽
阻當、首報、律杖一百、折責革役。

河南司 道光十四年

河撫咨內黃縣張常有、毆傷王登高身死
案內之王奉來、因義父王登高染患瘋疾。

並不滋事。不卽報官鎖錮。致被人殺。應比依瘋病之人。其親屬容隱不報。以致瘋病之人自殺者。照不應重律杖八十。

河南司 道光六年

河撫題獲嘉縣秦有祥。因瘋殺妻。本應永遠鎖錮。復又在監擲傷禁卒吳自立身死。前後致斃二命。遍查律例。並無瘋病殺人。

收禁後。在監因瘋毆斃人命。作何治罪。明文。秦有祥。應比照瘋病連殺平人二命例。擬絞監候。

山西司 道光十四年

晉撫題鄭有忠因病發狂。用甌塊鐵盆毆傷相登旺身死。到案時驗係昏迷。覆審時供吐明晰。取有屍親切實甘結。惟律例內

並無病重發狂以致毆人致死。作何治罪。
明文查因病發狂與瘋迷無異。自應比例。
問擬。鄭有忠應比照瘋病殺人到案。驗係。
瘋迷。覆審供吐明晰者。照鬪殺律擬絞。監。
候。

河南司 道光五年

提督咨劉二紀因染患熱病昏迷。用刀將

楊施氏砍傷殞命。查律例內並無因病發狂。砍死人命。作何治罪明文。自應比例定擬。劉二紀應比照瘋病殺人。到案驗係瘋迷。覆審供吐明晰者。准以鬪殺定擬。鬪殺者。絞律擬絞監候。

湖廣司 道光五年

南撫題陳得與王俸爭詈。拾石向擲。不期

誤傷唐冬姑身死。唐冬姑係王俸義女。自應比例問擬。陳得照因鬪毆而誤殺其人。之女依鬪殺科罪。鬪殺者絞律擬絞監候。

浙江司

道光五年

浙撫題胡長幅。因向郭柔妹之翁郭沅發索欠爭毆。該犯順拾木板擲打。郭沅發閃避。適郭柔妹走攏郭沅發背後。以致誤傷。

郭柔妹身死。查郭柔妹係郭沅發童養子
媳。卽與子孫無異。胡長幅應比照因鬪毆
而誤殺其人之子孫。依鬪殺律科罪。鬪殺
者絞律擬絞監候。

陝西司

道光十一年

陝督題仇呂氏聽從張可全謀毒伊婿趙
跟成傷而未死。誤毒老呂仇氏及其幼孫

呂牛牛、呂跟牛三命。該氏縱女趙仇氏與張可全通姦。聽從謀命。造做毒餵。卽屬加功。查趙跟成係該氏女婿。傷而未死。罪止擬徒。其誤毒老呂仇氏及外孫呂牛牛、呂跟牛身死。係一家三命。死者均非趙跟成有服親屬。例內並無謀殺人而誤殺旁人一家三命。內有外姻小功卑幼二命。爲從

加功之犯。作何治罪專條。若僅擬流收贖。似覺情浮於法。仇呂氏應照謀殺人而誤殺。旁人一命案內。從犯杖一百。流三千里。例上酌擬實發。駐防給官兵爲奴。

廣東司 道光十四年

廣撫題張廣信。因向胞兄張廣義借貸。屢被兄妾吳氏唆阻辱詈。該犯心懷忿恨。起

意將其毒斃。即可望兄周濟。嗣張廣義外出。該犯乘吳氏蒸煮粉肉。乘閒下毒。卽潛往鄰邨躲避。不期張廣義回家同食。致與吳氏一併受毒身死。該犯潛往探知。痛悔無及。據實向兄妻哭訴。屬令赴縣稟報。該犯亦自行投首。查律例內並無謀殺兄妾而誤殺胞兄專條。惟例載謀殺子而誤殺。

有服尊長者仍依故殺尊長本律問擬則謀殺兄妾誤殺胞兄亦應比照故殺胞兄本律治罪張廣信除謀殺兄妾應同凡論罪止斬候輕罪不議外應從重比照謀殺子而誤殺有服尊長者仍依故殺尊長律問擬弟毆胞兄故殺者凌遲處死惟該犯於誤毒兄死後尚知悔恨核與敖茂文謀

毒兄妻誤毒胞兄之案。情節相同。應援案
聲請。可否量從末減。奉

旨張廣信著從寬改爲斬立決。

夫毆死有罪妻妾

奉天司 道光五年

東城察院移送麻大因伊妻傅氏不允當衣將妻毆打以致傅氏受傷後跳井淹死。查該犯所毆之處雖均係手足他物等傷。惟傷多且重。自應比例問擬。麻大應比照妻與夫口角致妻自縊若毆有重傷縊死。

夫毆死有罪妻妾

者其夫杖八十例杖八十折責發落。

殺子孫及奴婢圖賴人

四川司 道光十三年

川督岑南川縣張李氏因挾楊定江不允給還田價之嫌起意將後夫張後升前妻之子張坤良毆斃圖賴。張後升尚存一子並未絕嗣。遍查律例並無繼母故殺夫前妻之子圖賴人作何治罪明文。第核其故

殺本律。罪止杖七十。徒一年半。與親母故殺其子。雖有不同。而較諸伯叔故殺姪。罪應杖流者。輕重懸殊。伯叔故殺姪圖賴人。卽得與親母故殺子圖賴同一擬軍。則繼母故殺前妻之子圖賴。自可一例問擬。張李氏應照故殺子圖賴人者發附近充軍例。發附近充軍。係婦人。照律收贖。

貴州司

道光七年

貴撫岑李雙甲、係李庭標之子。起意將婢女蠻根致死。向周滄文圖賴。律例內並無家長之子謀故殺奴婢圖賴。作何治罪明文。惟查家長之期親謀故殺奴婢。悉與家長同科。則家長之子故殺圖賴。亦應與家長一律問擬。李開甲合依家長故殺奴婢。

圖賴人者律杖七十徒一年半。

湖廣司 道光六年

北撫谷葉奇璜挾嫌將病磨自行服毒之
大功兄葉奇瑞扶送陳添會家圖賴查葉
奇瑞病磨服毒身死之先曾經同居伯母
張氏問悉情由迨葉奇璜將伊扶至陳添
會家圖賴之時又經過路之張得文等向

問。據將病磨。自欲尋死緣由說明。其非葉奇璜。怨忌服毒無疑。惟葉奇璜挾陳添會不允借貸之嫌。輒將自行服毒之大功堂兄。扶送陳添會家圖賴。情殊刁詐。比照將已死期親尊長屍圖賴人者。杖八十。徒二年。大功遞減一等。律杖七十。徒一年半。

四川司 道光十三年

川督咨廣安州汪太階因挾伊胞叔汪玉衡不給押錢。屢逼搬移。並將其妾毆傷。反欲告究之嫌。起意商同伊妻汪蕭氏將汪張氏勒斃。捏告汪玉衡威逼汪張氏自勒身死。希冀圖賴。例無作何治罪明文。自應仍按殺妾圖賴本律問擬。汪太階合依故殺妾圖賴人無論圖賴尊卑親屬俱發附

近充軍例。擬發附近充軍。

廣東司 道光四年

廣東撫客陳得蜺義子陳亞一本係歐姓。自幼父母俱故。經陳得蜺抱爲義子。撫養十一年之久。尚未婚配。陳得蜺向租分居大功堂兄陳得基等鋪屋開張米店生理。後因拖欠房租。陳得基等屢向討索不給。

爭鬧。被陳得基等毆打。並聲言日內如無錢文。定要赴官控追。經人勸散。該犯回店時。見陳亞一在外遊蕩。初更時候。始行回店。陳得蜺向其訓斥。陳亞一出言頂撞。陳得蜺用鐵扁頭禾槍。戳傷陳亞一脊背。倒地。陳亞一滾地哭喊。陳得蜺氣忿。憶及陳得基等索租毆辱。心懷不甘。復恐無錢交

給。致被控追。並因陳亞一不聽管束。素本
憎惡。起意將其致死。捏指陳得基等毆斃。
圖賴洩忿。卽用禾槍連戮陳亞一左太陽
等處。立時殞命。以陳得基等挾嫌毆傷伊
義子陳亞一身死等語具報。審悉前情。查
陳得蜺因挾堂兄陳得基等索租毆辱之
嫌。輒起意將義子陳亞一致死圖賴。惟故。

殺恩養年久之義子以故殺乞養異姓子
論照律罪止擬流而殺子圖賴罪應充軍
自應從重問擬陳得覘合依故殺子圖賴
人者無論圖賴凡人及尊卑親屬俱發往
附近充軍例發附近充軍

安徽司 道光十四年

安撫咨吳廷章因胡有質與伊妻馮氏通

姦並向逼索欠錢爭鬧走散。適該犯幼子
吳狗孜啼哭。該犯喝阻不理。一時氣忿起
意。將吳狗孜致死。圖賴。隨用刀將吳狗孜
咽喉割傷身死。欲將屍身背往胡有質家。
經其妻勸阻而止。該撫將該犯依故殺子
孫圖賴人例。擬發附近充軍。部查該犯故
殺伊子。雖有圖賴之心。惟並未將屍背往。

尚○係○事○屬○未○成○與○實○在○圖○賴○已○成○者○不○同○
將○吳○廷○章○改○依○故○殺○子○孫○圖○賴○人○軍○罪○上○
量○減○一○等○杖○一○百○徒○三○年○

四川司 道光十四年

川督峇通江縣徐玉瀧因向總麻服叔徐
富芝索欠無償爭鬧輒起意將徐喜兒叉
死圖賴查徐喜兒係徐玉瀧撫抱義子業

已五年。恩養不爲不久。查律例內並無故殺恩養年久義子圖賴人作何治罪明文。惟恩養旣已年久卽與子姪無異。若僅依故殺乞養異姓子本律擬流置圖賴於不問。似覺情浮於法。自應比例問擬。徐玉瀧應照故殺子姪圖賴人者無論圖賴係凡人及尊卑親屬俱發附近充軍例發附近。

充軍。

弓箭傷人

安徽司

道光四年

安撫咨李如柏。在朱邦正門首舞弄秤錘。頑耍。適王廷輝從其身後走過。該犯聽聞。腳步響響。轉身看視。不期所舞秤錘。隨勢旋轉。砍傷王廷輝額顱殞命。該犯於有人居止處所。以可以殺人之物。任意舞弄。因

而傷人致死。正與向有人居止宅舍投擲。甄石因而傷人。律意相符。自應比例問擬。將李如柏比依無故向有人居止宅舍投擲甄石因而致死律。擬杖一百。流三千里。年未及歲。照律收贖。仍追埋葬銀一十兩。

山西司

道光四年

晉撫岑光珠與徐思廣等於黑夜同在

何光德場地乘涼睡熟。宋光珠於夢中聽聞徐思廣喊叫有狼。驚醒坐起。見有黑影幌動。心疑是狼。卽持巡田防身木柄鐵頭刀向扎。不期誤扎徐思廣身死。律例並無疑獸捕扎誤傷人命。作何治罪專條。自應比律問擬。宋光珠比照無故向城市及有人居止宅舍放彈射箭投擲輒石因而致

死人律杖一百。流三千里。仍追埋葬銀一十兩。

四川司

道光七年

川督岑江北廳龔順奇、黑夜赴田看守稻穀。路經車沅盛池邊。聽聞水響。因值黑夜。看視不明。疑係野獸捕魚。用矛刀驅逐。向獵。誤傷車沅盛斃命。釁起疑獸。究無另有。

別情遍查律例。並無作何治罪專條。惟查該處離車沅盛住宅不遠。並非曠野。自應比律問擬。龔順奇應比照無故向有人居止宅舍放彈射箭投擲。輒石因而致死律。杖一百。流三千里。仍追埋葬銀一十兩。

江西司 道光十年

江西撫咨周明照。因程亞賤家狗隻向其

吠齧該犯用木稍向毆。不期狗隻跑開。程亞賤從門內跑出。該犯收手不及。適傷程亞賤額門身死。實屬傷由失誤。殺出無心。應比照向有人居止宅舍放彈射箭投擲。輒石傷人。因而致死律杖一百。流三千里。

湖廣司 道光十四年

北撫客翁萬漉。因李三沅赴塘車水灌田。

忘帶空土鐵鏟。喊令該犯將鏟遞給。該犯將鏟擲交。致中傷李三沅。偏左身死。殺固由於誤中。釁非起於爭毆。惟不走近遞交。以致誤傷斃命。自應比例問擬。翁萬澂比照無故向有人居止宅舍投擲。甄石因而致死。律杖一百。流三千里。

四川司
道光八年

川督岑鹽源縣黃文志將石往後丟棄。適值無名丐僧從道旁小路走出。致被擲傷身死。核其情節。固屬耳目所不及。第該處既有人行小路。則黃文志卽應慮及有人行走。乃並不畱心。妄行拋石。致傷人命。實非思慮所不到。惟查受傷之地。係在曠野道旁。究與有人居止宅舍有閒。若照律問。

擬滿流。未免無所區別。自應酌減。問擬黃
文志。應於無故向有人居止宅舍投擲。甄
石因而致死。杖一百。流三千里。律上量減
一等。杖一百。徒三年。

四川司 道光九年

川督裕安岳縣彭良山。因聞包穀地內聲
響。慮恐有賊。拾石嚇擲。因時值黑暗。看視

不明。適傷巖下出視之陶萬達致斃。雖係
耳。目所不及。惟巖下既有人居。卽當慮及
傷人。實非思慮所不到。不得諉爲過失。第
慮賊擲石。究與無故擲石不同。自應比律
量減。問擬彭良山。應比照無故向有人居
止宅舍投擲。輒石因而致死。杖一百。流三
千里。律上量減一等。杖一百。徒三年。

河南司

道光十一年

河撫咨假師縣李豹、因點放敬神鐵銃、誤傷許長義身死。李豹應比依竹銃向有人、居止宅舍施放、誤傷人因而致死例、杖一百、流三千里。

安徽司

道光十三年

安撫咨周泳太、因家中瘋犬逃出、三更時

聽聞犬吠。知係瘋犬回邨。卽攜竹銃。開門出視。因天色黑暗。無從查見。向犬吠處施放。不期伊兄周泳春酒後在場上躺臥睡熟。致被銃傷偏右等處身死。該犯意圖殺犬。本無害人之心。核與無故向有人居止宅舍放彈射箭。投擲輒石。因而殺人。若所傷係親屬。依名例律本應重罪而犯時不

知者。依凡人論之律注相符。將周泳太比、
照鳥鎗竹銃向有人居止宅舍施放誤傷、
人因而致死例杖一百流三千里。

河南司 道光六年

河撫咨許州胡穩成、因見門外空地樹上
有鳥架鎗欲發。旋因鳥飛未放。提鎗轉身
東走。不期衣挂火機。以致鎗藥觸發。誤傷

王士貴身死。鎗由衣挂誤發。與實在自行。施放者不同。胡穩成應於鳥鎗竹銃向有。人居止宅舍。施放誤傷人。因而致死者。杖一百。流三千里。例上量減一等。杖一百。徒三年。

江蘇司 道光七年

蘇撫岑夏安芝點放紙爆。被風吹在王春

生。拷。上。以。致。燒。傷。潰。爛。身。死。核。與。城。市。施。
放。鳥。鎗。竹。銃。情。事。相。同。惟。鳥。鎗。竹。銃。本。堪。
殺。人。之。具。紙。爆。爲。民。間。常。用。之。物。且。王。春。
生。致。被。燒。傷。又。非。該。犯。意。料。所。及。夏。安。芝。
比。依。鳥。鎗。竹。銃。向。城。市。施。放。傷。人。致。死。流。
罪。上。量。減。一。等。杖。一。百。徒。三。年。

河南司 道光九年

河撫咨靈寶縣韓怪兒因劉根林邀伊攜帶鳥鎗赴地打鵲該犯負鎗在前行走下坡滑跌坐地不期震動火繩鎗藥觸發適劉根林尾後隨行誤將劉根林打傷致斃與實在曠野施放鳥鎗誤傷人者不同自應按例量減問擬韓怪兒應於鳥鎗竹銃在曠野施放誤傷人因而致死滿徒例上

量減一等杖九十徒二年半。

車馬殺傷人

福建司 道光六年

南城察院移送劉句兒車驟驚跑收勒不及。誤將楊六軋傷。十日外抽風身死。律無因車馬傷人。至十日外抽風身死。作何治罪明文。自應仍按車馬殺傷人本律問擬。將劉句兒依車馬因公馳驟殺人者以過

車馬殺傷人

失殺論依律收贖

庸醫殺傷人

陝西司

道光五年

陝撫咨沔縣施大奎之妻岳氏委係分娩
逆生。張章氏不知達生之理。輒用手伸入
產門。強將嬰兒取出。以致母子兩亡。自應
比照問擬。張章氏應比照庸醫誤不依方
因而致死如無故害之情者以過失殺人

論依律收贖。

河南司 道光八年

河撫題延津縣韓重與孫舉妮醫病並不
按方用藥。妄照不經舊書畫符念咒鍼刺。
復因孫舉妮病體羸弱。令其妻孫李氏代
受鍼刺。以致刺傷孫李氏身死。遍查律例。
並無爲人治病。令人代受鍼刺。以致將代

刺之人刺斃。作何治罪。明文韓重應。比照
端公道士及一切人等。作爲異端法術。醫
人致死者。照鬪殺律擬絞監候。

陝西司 道光十三年

陝督岑張掖縣楊添貴。因許苗氏邀伊算
命。見該氏年輕。圖與通姦。妄爲該氏畫符
魔鎮。祈求子嗣。究無邪術。煽惑情事。其符

魔係爲消災求子。與畫符治病情事相同。自應比例問擬。楊添貴應比依端公道。士作爲異端。法術醫人未致死者。杖一百。流三千里。

貴州司

道光五年

提督奏送劉慶會畫符治病。訊止圖騙錢文。並無邪言惑衆情事。玉匣記係民間習

用之書不在例禁。該犯照書描畫與實在。詐爲異端法術捏造符籙者。有開自應按例酌減問擬。劉慶曾合依端公道士作爲異端法術畫符等類。醫人未致死。滿流例上量減一等杖一百。徒三年。

刑部比照加減成案

杭州

刑律人命

威逼人致死

山西司 道光四年

晉撫咨姚大祥、挾姚金蘭逼索地租之嫌。唆令其繼母姚薛氏逐繼不允。輒向吵鬧。

並因姚金蘭被伊子姚跟舍扎傷呈控。又將姚金蘭家具打毆。姚薛氏被逼自縊。實屬威逼人致死律杖一百。再加枷號兩個月。

陝西司 道光六年

陝撫咨楊帮才因向楊尚志索欠無償。楊帮才用拳毆傷楊尚志左眼胞。經勸而散。

楊尚志因被逼情急。次日投井殞命。查楊尚志被毆之傷。原驗僅止紅腫。不得謂之重傷。自應仍按威逼致死本律問擬。今該撫援引重傷而非致命擬徒。與例不符。楊帮才應改依威逼人致死者杖一百。

四川司 道光十二年

川督咨巴縣李賈氏因冉正俸向伊夫李

光周逼索擔保李光才當價爭角。冉正俸因李光周出外未回。疑其藏匿在家。與李賈氏爭吵。將其神桌推倒。致李賈氏輒卽氣忿輕生。攜抱年甫一歲之幼子李四。一同自縊。李賈氏繩斷墜地。經冉正爵瞥見解救。李四被縊氣閉殞命。雖已死。李四並非被逼之人。第李賈氏之情急短見。將李

四。縊。斃。究。係。該。犯。逼。迫。所。致。遍。查。律。例。並。
無。威。逼。人。因。而。故。殺。其。子。作。何。治。罪。明。文。
自。應。比。例。問。擬。冉。正。俸。請。照。因。事。威。逼。人。
致。死。者。杖。一。百。

浙江司 道光四年

浙撫咨額外外委何勝滄威逼凌炤祿自
縊身死。雖係聞鬧往勸並非滋事之人。其

因巡弁吆喝。輒敢不服。出言頂撞。咎有應得。與平人不同。惟何勝滄並不卽時送縣。輒自私押。越日釋放。以致凌炤祿被押不。甘氣忿自縊。實與威逼致死無異。該犯係額外外委。藉巡混拏。私押釀命。未便僅照威逼律問擬。滿杖致滋輕縱。何勝滄應照因事威逼人致死杖一百罪上加一等杖。

六十徒一年。

四川司 道光五年

川督奏渠縣生員楊正常等赴京呈控該縣黃之瀾修廟科斂私增鹽價並董楊氏等因訛索議罰氣忿自盡等情案內之監生田著起於楊正常編控各款曾經勸阻卽其在京所供亦非本意未便坐以爲從

之罪。其所告田莘起。因議罰銀兩。自縊身死。并羅飛瀧等控爭斗糧事。俱有因。惟已經田遇加在本省控告。訊明結案。復行至京。砌詞翻控。究屬健訟。該督將田著起擬革去監生。照不應重律杖八十。加枷號一個月。監生田星耀。借給董文受錢文。輒令黃盛向中證董中立討取。以致逼迫釀命。

應照不應重律杖八十。係監生照律納贖。
查舉貢生監有犯除科場舞弊及犯姦犯
賭方擬枷號此外並無擬以枷號之例今
監生田著起以伊兄田莘起因議罰銀兩
自縊身死並羅飛龍等控爭斗糧業經本
省訊結之案復行赴京砌詞翻控核其所
犯與科場舞弊犯姦犯賭實在有玷行止

者。不同。自應照律問擬。田著起應照不應
重律杖八十。所有該督將田著起擬加枷
號之處。應毋庸議。黃星耀應照不應重律
杖八十。田著起、黃星耀均係監生。禮部查
監生田著起以伊兄田莘起自縊身死。並
羅飛龍等控爭斗糧業經本省訊結之案。
復行赴京砌詞翻控。應革去監生。黃星耀

借給董文受錢文。輒令黃盛向中證董立
中討取。以致董楊氏自縊身死。亦有不合。
惟釀命之由。實因黃盛逞強逼索。該監生
並未自行討取。核與有心威逼者不同。所
擬杖八十之處。准其照例納贖。黃盛向董
中立討取借項。雖係伊叔黃星耀令伊代
討。第係該犯自行逼索。既將董中立之妻

楊氏推跌。又勒令董中立攜線赴場售賣。以致楊氏氣忿縊斃。實屬逞強威逼。該犯曾充差役。斥革之後。猶敢滋事釀命。未便僅依威逼本律問擬。致滋寬縱。黃盛應於因事威逼人致死杖一百罪上加一等杖六十。徒一年。

直隸司

道光十年

直督咨地方楊世奇因向王馬氏索討幫貼錢文不給爭吵致氏氣忿自縊查楊世奇所索幫貼錢文係卹衆議明舊規並非該地方創始糾斂惟究係在官人役未便因其並無用強威逼稍爲寬縱將楊世奇比照威逼人致死杖一百罪上加一等杖六十徒一年。

威逼人致死

陝西司

道光四年

陝撫題宋玉欣因胞兄宋玉德欲令賠還
從前寄養倒斃之驢該犯答稱已賠給米
穀不應再向重討宋玉德忿罵撲毆該犯
跑避宋玉德尾隨趕毆自行失跌墊傷身
死訊無推毆情事宋玉德死由自跌與逼
迫難堪忿怒自盡者有閒律例內並無胞

兄趕毆胞弟。自行失跌身死。作何治罪。專
條。自應比附定擬。宋玉欣應於逼迫期親
尊長致死絞候律上。量減一等。杖一百。流
三千里。

江蘇司 道光六年

蘇撫題姚阿名因胞兄姚百受觸犯伊母。
經伊母逼令該犯將姚百受捆縛送官。行

至中途姚百受屬其解放。姚阿名因母命難違。不敢解釋。姚百受畏罪情急。投河殞命。查姚百受之死。雖由該犯不允解放所致。惟該犯究因懼母未敢釋放。與威逼者有間。姚阿名比照逼迫期親尊長致死絞候律。上量減一等。杖一百。流三千里。

陝西司

道光四年

陝撫題并登科竊賣期親服嬸張氏松椽。
因被拉往投約報官。掙脫逃避。致將張氏
帶跌磕傷。氣忿投井身死。律例內並無卑
幼行竊伯叔父母財物。致令自盡。作何治
罪明文。如竟照逼迫期親尊長致死律問
擬。該犯係因貧無度。竊賣松椽。委無干犯。
吵逼情事。依律擬絞。殊覺情輕。法重。自應

威逼人致死

比例定擬。并登科應於逼迫期親尊長致死絞候律上量減一等擬杖一百流三千里。

河南司

道光十二年

河撫咨洛陽縣王合文先爲期親嫡母王段氏嗣子。旋因王段氏生子。分產歸宗。不得仍以母子論。惟該犯分得王段氏房地。

坐視王段氏貧窘。不加周濟。又因段氏索討繼產不還。致氏窘迫輕生。實屬忘恩負義。雖當時並無爭鬧威逼別情。固未便卽以逼迫期親尊長致死律擬絞。第王段氏之自盡。實由該犯昧良窘迫所致。亦不得稍從寬貸。王合文應照逼迫期親尊長致死絞候律上量減一等杖一百流三千里。

威逼人致死

貴州司

道光十二年

貴撫題黃平州石紹奎強拆園籬致胞伯
石毓玉趕毆失跌磕傷後氣忿自縊身死
石紹奎訊無逼迫情事惟該犯係石毓玉
期親胞姪服制攸關律例內並無卑幼強
橫致期親尊長自縊作何治罪明文石紹
奎應於逼迫期親尊長致死絞候律上量

減一等杖一百。流三千里。

安徽司 道光十二年

安撫題陳斗章因竊取期親伯母陳朱氏鐵鋤押錢使用致陳朱氏氣忿自縊殞命。查陳朱氏早有親子無須立繼卽陳斗章自幼寄養陳朱氏家係其兄按年貼錢並非由陳朱氏抱養成人是陳朱氏不特不

能爲陳斗章嗣母亦與從幼過房之養母
迴別自應仍以期親尊長論惟陳斗章竊
取陳朱氏鐵鋤押錢使用被陳朱氏查知
哭罵卽行畏懼走避並無逼迫情狀旣未
便擬以逼迫期親尊長致死之條而律例
內又無期親卑幼因竊取尊長財物致令
自盡作何治罪明文將陳斗章比照逼迫

期親尊長致死絞候律上量減一等杖一百流三千里。

陝西司 道光十四年

陝撫題武功縣馬春係馬富胞兄馬富失去剗刀疑姪馬元浩取用向索伊兄馬春聞知卽與爭角馬富不服頂撞馬春氣忿扭拉跳崖拚命馬富拉阻不及一同帶跌

落崖馬春因跌身死查馬富並無恃強逼迫情狀與實在卑幼恃強威逼致令期親尊長情迫自盡者不同若照卑幼逼迫期親尊長致死一律擬絞似無區別馬富應照逼迫期親尊長致死絞候律上量減一等杖一百流三千里

山西司

道光十四年

晉撫題丁祥汰因胞兄丁其汰欲賣住房。與伊嫂丁黃氏爭毆。偕妻丁李氏前往勸阻。復因丁其汰持刀撲扎。各用繩辮杖棒。將丁其汰毆傷。查驗所毆各傷。均非致命。又不深重。且尚能跑走。不致戕生。迨經勸散後。丁其汰往投鄉約。失跌痰壅氣閉身死。並非該犯意料所及。且無追毆逼迫情。

事。若照逼迫期親尊長致死之律問擬。未免情輕法重。惟丁其汰之失跌斃命。究由該犯攔阻賣房。毆打起釁。亦未便止科傷罪。自應比例酌減問擬。丁祥汰合依逼迫期親尊長致死絞候律上。量減一等擬杖一百。流三千里。

陝西司

道光十三年

陝撫咨渭南縣朱有財與朱有銀本係同胞弟兄。服屬期親。朱有銀自幼出繼於族伯朱朋廣爲嗣。降服大功。因朱有財索取借用剗刀。朱有銀答稱未見。朱有財在朱有銀家草堆內找獲。朱有銀詈其不應當賊搜賊。卽向撲毆。朱有財畏懼走開。朱有銀復向毆趕。朱有財閃避。以致朱有銀自

行○失○跌○磕○傷○身○死○訊○無○推○毆○情○事○惟○疊○由○
搜○尋○割○刀○死○係○大○功○尊○長○未○便○照○凡○人○擬○
杖○致○滋○輕○縱○亦○未○便○科○以○逼○迫○之○條○致○與○
實○在○逼○迫○者○無○所○區○別○未○有○財○應○比○照○逼○
迫○大○功○尊○長○致○死○滿○流○罪○上○量○減○一○等○杖○
一○百○徒○三○年○

陝西司

道光十三年

陝督咨清遠縣朱榮、因大功服叔朱滿瑚、向伊索帮。該犯應允後反悔不給。致令自盡。雖尚無逼迫情狀。惟朱滿瑚之死。究因該犯許帮反悔所致。罪坐所由。自應酌照逼迫大功尊長致死之律。量減問擬。該督將該犯依毆傷大功尊長律。擬以杖八十。徒二年。是僅科毆傷之罪。而置人命於不

威逼人致死

三

問。殊。未。允。協。朱。榮。應。改。依。逼。迫。大。功。尊。長。
致。死。滿。流。罪。上。量。減。一。等。杖。一。百。徒。三。年。

山西司

道光四年

晉撫咨李青山、與小功服叔李廷全、爭執
走道。輒敢混罵。迨經人和處。適值農忙。並
不卽時往向服禮。以致李廷全氣忿莫釋。
輕生自盡。第李青山僅止混罵。與實在逼。

迫○致○死○者○有○閒○若○照○律○擬○以○滿○徒○未○免○情○
輕○法○重○自○應○量○減○問○擬○李○青○山○合○依○逼○迫○
小○功○尊○長○致○死○滿○徒○罪○上○減○一○等○擬○杖○九○
十○徒○二○年○半○

湖廣司 道光十年

南撫咨韓上望與小功服叔韓祿峻爭鬧○
當卽跑走○致令趕毆自行失跌身死○訊無

推毆別情。韓祿峻死。由自跌。與逼迫難堪。
忿怒。自盡者。有間。將韓上望。比照逼迫。小
功尊長致死。滿徒罪。上減一等。杖九十。徒
二年半。

河南司 道光六年

河撫題示城縣楊亮與已故大功服弟楊
書之妻匡氏通姦敗露。經氏姑楊潘氏將

匡氏逐回母家。令其另嫁。該犯希圖續舊。逼令楊潘氏接回。潘氏不允。輒將潘氏用棍毆傷。致楊潘氏被逼難堪。氣忿自縊斃命。例內並無因姦逼迫期親尊長致死。作何治罪專條。楊亮除毆傷期親尊屬。並姦總麻以上親之妻。各輕罪不議外。應比照因姦威逼人致死律。擬斬監候。

河南司 道光十四年

河撫題鄆城縣申年強姦十四歲之幼女
李宜妮已成。致令內傷身死。律例內均無
作何治罪專條。自應比例問擬。申年應比
依因姦威逼人致死律擬斬監候。

河南司 道光十二年

河撫題嵩縣朱大財因見牛椿醉臥路旁。

竊剝牛椿衣服。致令受凍斃命。旣與平人。屏人服食致斃者不同。亦與謀財殺害者。有別。例無作何治罪明文。朱大財應比照。因盜威逼人致死律。擬斬監候。

廣西司 道光十三年

廣西撫題盧士海起意糾搶陳開勝船上錢物。致事主雇工梅新連驚慌逃避。失足

落河斃命。律例無治罪明文。惟搶重於竊。梅新連之慘遭溺斃。皆由該犯等搶奪驚避所致。與因盜威逼人致死無異。盧士海應比照因盜威逼人致死律擬斬監候。

四川司

道光八年

川督咨王楊氏因與袁成青通姦被伊姑王賀氏撞見令伊子王啟柏告知王楊氏

之○父○楊○維○貴○管○教○既○無○殺○姦○之○意○又○無○憂○
忿○欲○死○之○心○嗣○因○楊○維○貴○之○子○楊○應○俸○反○
稱○王○賀○氏○捏○姦○污○蠟○欲○行○控○告○致○王○賀○氏○
畏○累○自○縊○王○賀○氏○既○非○爲○伊○媳○犯○姦○輕○生○
若○將○王○楊○氏○遽○擬○縲○首○與○實○在○殺○姦○不○遂○
羞○忿○自○盡○並○因○子○孫○身○犯○邪○淫○憂○忿○戕○生○
者○漫○無○區○別○王○楊○氏○合○依○婦○女○與○人○通○姦○

致並未縱容之父母一經見聞殺姦不遂
羞忿自盡絞決例上量減一等杖一百流
三千里仍依縱容通姦愧迫自盡例實發
駐防給兵丁爲奴袁成青於姦夫杖一百
徒三年例上減一等杖九十徒二年半

四川司 道光十年

川督岑遂寧縣田金貴與王長德胞嬸王

舒氏通姦敗露致王長德憂忿服毒身死。遍查律例並無作何治罪明文。若僅科以姦罪置人命於不問未免輕縱。如照婦女與人通姦致本夫憂忿自盡之例問擬滿徒亦覺漫無區別。田金貴應照婦女與人通姦本夫並未縱容一經見聞殺姦不遂因而羞忿自盡者姦夫杖一百徒三年例。

上量減一等杖九十徒二年半。

陝西司 道光六年

陝撫洛富平縣董王氏縱容孫媳董權氏與董春茂通姦生子。經其子董萬春查知姦情。以伊母董王氏縱姦無恥之言。任意抱怨。致董王氏愧迫自盡。董萬春旋因觸犯伊母。致母自縊。慮恐到官問罪。亦卽投

環殞命是董王氏之自縊由於縱姦愧迫而董萬春之自盡由於母死畏罪並非因媳犯姦憂忿戕生卽未便坐董權氏以身犯邪淫致父母戕生之罪董權氏合依父母縱容通姦後因姦情敗露愧迫自盡者婦女實發駐防給兵丁爲奴

四川司

道光十二年

川督岑大足縣陳喜秀與楊進成通姦被
伊繼母陳栗氏查知業已懷孕並不向伊
夫陳仕崇告知輒卽代爲隱瞞屬令打胎
滅跡實屬知情縱容迨經陳仕崇查知姦
私將陳喜秀等送官彼時陳栗氏亦無愧
迫情狀嗣因楊進成之父楊仕先向其圖
索滋鬧陳栗氏被逼情急自戕身死罪坐

所○由○固○不○能○謂○陳○栗○氏○之○死○非○因○楊○進○成○
與○陳○喜○秀○通○姦○起○釁○而○究○其○輕○生○自○盡○實○
由○於○楊○仕○先○逼○迫○所○致○若○竟○照○父○母○縱○容○
通○姦○後○因○姦○情○敗○露○愧○迫○自○盡○本○例○將○陳○
喜○秀○實○發○駐○防○給○兵○丁○爲○奴○似○與○父○母○縱○
姦○敗○露○於○未○經○到○官○之○前○卽○愧○迫○自○盡○者○
漫○無○區○別○惟○例○無○明○文○自○應○酌○減○問○擬○陳○

喜秀應於父母縱容通姦後因姦情敗露
愧迫自盡者婦女實發駐防給兵丁爲奴
例上量減一等擬杖一百徒三年係犯姦
之女杖決徒贖該氏年未及歲仍照例收
贖給伊父領回其夫家願否接取應聽其
便。

湖廣司

道光五年

北撫谷李羅氏因伊翁縱姦敗露致伊翁
愧悔自盡實發駐防給兵丁爲奴在配脫
逃被獲因婦女與男夫不同毋庸加等調
發仍發原配交原主嚴加管束

陝西司 道光十一年

烏魯木齊都統奏楊秀因見甥媳馬劉氏
少艾。乘便調戲。致劉氏羞忿自盡。查劉氏

係楊秀總麻以上親之妻。楊秀向劉氏調戲。以致劉氏羞忿自盡。自有調戲內外總麻以上親之妻羞忿自盡本條。乃該都統竟將楊秀仍從凡論。置服制於不問。辦理殊多錯誤。旋據遵駁更正。將楊秀依內外總麻以上親及總麻以上親之妻。但經調戲本婦羞忿自盡者。擬斬監候。

山西司 道光八年

晉撫咨孟縣民郭玉均、因見郭士濠、在郭士亮窯頂叫罵、勸解被詈、輒揪其髮、辯欲毆、致郭士濠掙跌碰傷、致命偏左骨損、抱忿跳窯身死、卽屬毆逼、惟郭士濠偏左一傷、究係自行跌碰、若與毆打、致命重傷者、同科軍罪、未免無所區別、自應酌減、問擬。

郭士濬係郭玉均無服族姪至死應同凡
論郭玉均應照因事用強毆打威逼人致
死果有致命重傷雖有自盡實跡發近邊
充軍例上量減一等杖一百徒三年

江西司 道光十二年

江西撫咨流犯鍾遙栳由配逃回差役劉
富見而捕獲該犯情急圖脫用刀拒傷劉

富偏左等處。以致負痛自縊身死。例內並無毆差致令自盡。作何治罪。明文。惟該犯但係刃傷死。出意外。自應仍按凡鬪致令自盡。例加拒捕罪。科斷。鍾遙梯應於因事用強毆打威逼人致死。果有致命重傷。雖有自盡實跡。發近邊充軍。例上加拒捕罪二等。發極邊煙瘴充軍。

威逼人致死

三

河南司

道光九年

河撫咨祥符縣李李氏價買權三姐雖已
養育多年惟該氏本圖將其養大賣姦嗣
以權三姐貌陋又係石女未遂其願復欲
尋主鬻賣與實在恩養義育者迥不相同
今因權三姐遺失錢票輒卽任意毆逼致
令情急自盡應以凡人論罪李李氏合依

因事用強毆打威逼人致死雖有自盡實跡其致命而非重傷及重傷而非致命例杖一百徒三年。

江西司 道光十年

江西撫咨王佐先與蔡王氏通姦被本夫撞獲禁絕往來嗣復向王氏續舊王氏因恐夫回撞見不允爭鬧輒將王氏推跌致

傷以致抱忿輕生較之尋常因事用強毆打威逼人致死者爲重若僅擬杖徒轉與和姦之案姦婦羞愧自盡姦夫擬徒之例無所區別王佐比照因事用強毆打威逼人致死致命而非重傷及重傷而非致命滿徒例上酌加一等擬杖一百流二千里

河南司

道光五年

河撫洛靈寶縣王道行。因梅起南往觀夜
戲。向阻爭吵。輒奪竹杆。疊毆梅起南致命
左乳心坎等處。嗣梅起南走回王道行復
行趕往。欲拉梅起南往見雇主理論。以致
梅起南恐被雇主辭工。潛赴空房投繯殞
命。實屬用強威逼。惟查驗各傷均係紫紅
色。尚未深重。按例應照因事用強毆打威

逼人致死。致命而非重傷。問擬杖徒。乃於訊明後。又挾王思溫等。不允具保。總催之嫌。捏以王思溫等。與梅起南同行。嚇使縊命等詞。塗寫監照。希圖拖累。實屬險惡。尤應嚴加懲治。王道行除誣告王思溫等。嚇令梅起南拚命。輕罪不議外。應於因事用強毆打威逼人致死。雖有自盡實跡。致命。

而、非、重、傷、杖、一、百、徒、三、年、例、上、量、加、一、等、
杖、一、百、流、三、千、里、

江西司 道光六年

江西撫咨郭孟居修砍松枝並未越界袁
世芸疑竊爭鬧被郭孟居用鋤柄毆傷後
自行服毒身死與實在用強毆逼者有間
惟袁世芸服毒自盡究因被毆不甘所致

將郭孟居比照因事用強毆打威逼人致死。致命而非重傷。滿徒例上。量減一等。擬杖九十。徒二年半。

陝西司 道光七年

陝撫咨蔣添貴與李有才之妻苟氏通姦。李有才利資縱容。嗣蔣添貴復往與苟氏續姦。李有才索錢未給。將該犯攆逐。該犯

不走。李有才拏刀撲砍。該犯奪刀回砍。李有才顛門等處。許給養傷錢六千文。嗣該犯未將養傷錢文送往。李有才因無食用。情急自縊。雖據驗明李有才傷已結痂。漸次平復。惟李有才之死。究因蔣添貴砍傷後。又未送給養傷錢文。以致自盡。自應仍照威逼致死本例問擬。該撫以李有才死

係因貧與傷無涉。將蔣添貴照刃傷人律。
杖八十徒二年。引斷既未允協。辦理亦屬。
錯誤。蔣添貴應改依因事用強毆打威逼。
人致死。雖有自盡實跡。致命而非重傷。杖。
一百。徒三年。仍在該犯名下。追出埋葬銀。
十兩。給付屍親具領。

江蘇司

道光四年

蘇撫咨蕭廷模、毆傷兄妻蕭張氏、致蕭張氏服毒身死。查蕭張氏被蕭廷模所毆右胎膊等處傷痕甚重，均非致命之處。該氏氣忿輕生，服毒身死，例無弟毆兄妻威逼致死。作何治罪，明文蕭廷模比依因事用強毆打威逼人致死重傷而非致命杖一百。徒三年。例杖一百。徒三年。

湖廣司

道光五年

北撫咨徐順遠、因與無服族叔徐以約爭
鬧。用刀毆戮多傷。重至骨斷。迨徐以約之
母朱氏、往向吵鬧。磕傷額顱。該犯復將其
推出門外。閉門不理。致朱氏回家。抱忿自
縊身死。實屬恃強威逼。未便僅科以刃傷。
加等之罪。徐順遠比照因事用強毆打威

逼人致死重傷而非致命杖一百徒三年
例杖一百徒三年並追埋葬銀十兩

山西司 道光十年

晉撫咨李世衆因賈馬兒賒欠酒錢屢討
無償查知賈馬兒財產係其叔賈明智代
管。往向賈明智索討。賈明智不肯認還。該
犯隨邀允素好之柴鉗金。幫同逼索。賈馬

兒央緩。李世衆不依向毆。惟時賈明智外出。其妻賈李氏趨護。李世衆將賈李氏推跌。並將賈李氏被褥攜回典當。賈李氏氣忿投井殞命。查李世衆攜取賈李氏被褥。由於李氏之夫賈明智代管賈馬兒財產。不肯認還欠錢所致。卽推跌賈李氏。亦因該氏帮護賈馬兒起釁。與無故行兇者不。

同。且該犯推跌賈李氏並未成傷。律例內並無因事用強毆打並未成傷。威逼人致死。作何治罪明文。自應比例問擬。李世衆應比照因事用強毆打威逼人致死如非致命。又非重傷例。杖六十。徒一年。

河南司 道光十四年

河撫題浙川廳方際瀛鎖逼侯亥弼服毒

身死。將方際瀛比依威力制縛人致死擬絞律。量減一等擬流。本部查威力制縛人致死。問擬絞候之律。係專指死於制縛之傷者而言。若制縛之後死。由自盡向係照因事用強毆打威逼人致死本例分別定擬。不得槩援制縛致死之條。今方際瀛因候亥弼誑騙伊布正逃走。尋獲後並不送。

官究追。輒用鐵鍊將其拴鎖。逼索固屬。威力制縛。惟侯亥弼係因被迫情急。服毒殞命。並非死於制縛之傷。將方際瀛改依因事用強毆打威逼人致死。如非致命。又非重傷例。杖六十。徒一年。

陝西司

道光五年

陝督題。陝州朱秀因胞兄朱和不應劃分。

公地。該犯與朱德等、各將應得公地分段立界。朱和之子朱學文、向該犯理論。該犯用鞭毆打朱和、攏護致被誤傷左臙朋皮破。嗣朱和因該犯不向服禮、氣忿不甘、自縊身死。並無另有逼迫情節。傷由誤及、既非重傷、又非致命。自應比附酌減。問擬朱秀、比照逼迫尊長致令自盡、毆有致命而

非重傷或傷重而非致命之處期服卑幼
仍照逼迫本律絞監候上酌減一等擬杖
一百流三千里。

四川司 道光十二年

川督題宜賓縣侯尹氏係侯喜之妾因被
正妻侯田氏毆打奪棍毆傷侯田氏左臂
膊左肱肘致侯田氏氣忿自縊身死。遍查

律例並無妾毆正妻致令自盡作何治罪
明文惟妾爲正妻服屬期年自應比例問
擬侯尹氏應比照逼迫期親尊長致令自
盡若毆非致命又非重傷期親卑幼仍照
逼迫本律擬絞監候。

河南司 道光九年

河撫題光山縣曹洛因期親嬸母曹張氏

與該犯之父曹高爭毆。口齧曹高左肱肘不放。該犯救護情切。順用木扒柄毆傷張氏左額角。致張氏氣忿自縊身死。雖覺起救親而死。由被毆氣忿卽與逼迫無異。服制攸關。自應按例問擬。曹洛合依因事逼迫尊長。致令自盡。若毆有致命重傷。期親卑幼。仍照逼迫本律擬絞監候。

四川司

道光四年

川督岑樂至縣楊滕交因楊滕萬向伊索錢撲毆情急回推致楊滕萬失跌磕傷額角氣忿投水自盡據驗額角傷痕雖係致命僅止皮破並非重傷亦無用強逼迫情狀惟其投塘自盡究由被推跌傷氣忿所致查楊滕萬係楊滕交同高祖總麻族兄

若○僅○依○毆○傷○本○律○擬○以○滿○杖○未○免○輕○縱○如○
竟○依○逼○迫○總○麻○尊○長○致○令○自○盡○毆○有○致○命○
而○非○重○傷○例○擬○軍○則○與○實○在○用○強○逼○迫○者○
無○所○區○別○楊○滕○交○應○照○逼○迫○尊○長○致○令○自○
盡○致○命○而○非○重○傷○者○總○麻○卑○幼○發○近○邊○充○
軍○例○上○量○減○一○等○杖○一○百○徒○三○年○

河南司 道光四年

河撫奏涉縣劉張氏因伊姑趙氏向其奪碗。該氏出言頂撞。致相吵鬧。經劉石氏等勸解。趙氏氣已消釋。迨歸房就寢。趙氏舊患痰病復發。跌地氣閉身死。查子孫觸犯勸釋之後。父母因舊病致斃。例無作何治罪明文。自應比例酌減問擬。劉張氏應比照子孫觸忤干犯以致忿激輕生窘迫自

盡斬決例上量減一等杖一百流三千里。
該氏平日屢次觸忤鄰里咸知未便按照。
尋常過犯准其收贖應實發駐防給兵丁。
爲奴。

河南司 道光十一年

河撫題唐縣劉繼淙因伊妻造飯遲延卹。
斥爭吵經伊父劉衣青聽聞喝阻不理劉。

風通人列
三
衣青生氣喊罵該犯畏懼走避以致劉衣
青追詈絆跌中風身死實屬違犯教令例
無作何治罪專條劉繼淙應比照子孫本
無觸忤情節但其違犯教令致父母抱忿
輕生自盡者擬絞監候

貴州司 道光七年

貴撫題姜紹先因妻姜老仰未經舂米斥

詈向毆。楊老晚在房喝阻。時姜老仰哭喊。
楊老晚聲音低小。致姜紹先未經聽聞。楊
老晚走出攔阻。失跌磕傷身死。例無治罪
專條。比照子孫本無觸忤情節。但其違犯
教令。以致抱忿輕生自盡者。擬絞監候。聲
明尚非有心干犯。卽伊母失跌斃命。亦與
抱忿輕生有間。本部查姜紹先於伊母喝

令不許毆打。聲音低小。該犯未經聽聞。不
卽住手。非有心違犯。卽伊母失跌斃命。事
出不虞。並無抱忿輕生之意。核與該省田
宗保之案。情節尤輕。援案量減。擬流。具題
奉

旨。姜紹先著減等杖流。餘依議。

貴州司

道光七年

貴撫題小何田氏訓責其子致伊姑老何
田氏痛惜幼孫自縊身死查老何田氏因
伊媳小何田氏訓責其子輕生自盡訊無
觸忤干犯情事惟老何田氏自縊究由伊
媳責子所致將小何田氏比照子孫本無
觸忤情節但其違犯教令以致抱忿輕生
自盡者擬絞監候聲明該氏尚非有心干

犯。而老何田氏之自盡。非該氏意料所及。
與。實。在。違。犯。教。令。者。情。節。較。輕。本。部。援。照
嘉慶十一年貴州省田宗保之案。將小何
田氏量減擬流。具題奉

旨。小何田氏著從寬免死。照例減等收贖。
餘依議。

陝西司 道光四年

陝無題岳葉氏因伊夫久出不歸伊翁岳來英欲將該氏嫁賣不遂卽奪其應分之地抵欠復禁次子岳金川資助以絕其食欲使該氏不能自存希圖嫁賣如此待媳不仁實屬有乖父道該氏守貞不從與他事違犯不同今岳來英因該氏欲赴縣控訴惡其訐己之過心懷忿恨輕生自盡若

將該氏遽照子孫違犯教令。問擬絞候。殊覺情輕法重。岳葉氏應比照子孫違犯教令。致父母抱忿輕生。自盡者。絞候例上減一等。杖一百。流三千里。

江西司

道光五年

江西撫題汪細女。因貧欲將山樹砍賣。向在家侍養之嫁母楊舒氏告知。舒氏稱俟

樹大再賣。該犯乘閒私自往砍。舒氏查知
趕阻。該犯棄斧走避。嗣舒氏因該犯不聽
教令。赴縣呈究。經人勸回。中途卒發舊病。
痰壅氣閉身死。與違犯教令致父母自盡
者不同。惟舒氏卒中痰壅。究由該犯違犯
教令觸發所致。舒氏雖已改嫁。第子無絕
母之理。自應酌量問擬。比照子孫違犯教

令致父母抱忿自盡絞候例上量減一等杖一百流三千里。

陝西司 道光十三年

陝撫題黃五桂平日懶惰游蕩不聽伊父黃泳林教訓已屬違犯教令迨伊憎惡逐出另度之後該犯因伊父所許錢文未給央潘九令轉求以致潘九令被罵不甘主

使陳一安等砍傷伊父斃命。雖伊父之死。由於潘九令主使毆打。而潘九令之逞兇。究因代該犯索錢而起。例無違犯教令之子。央他人求父給錢。致父被人毆斃。作何治罪明文。自應比例問擬。黃五桂應比照子孫違犯教令。致父母抱忿輕生自盡者。擬絞監候。

廣西司

道光十四年

廣西撫題支戊辰憲因其父支含金斥其
開門遲緩恐被責躲避支含金趕毆用身
靠門不期過重脫落木枋致傷殞命例無
作何治罪明文惟查伊父趕毆不期門枋
脫落被傷殞命雖非該犯意料所及究因
該犯躲避所致已有違犯情形自應比例

問擬支戊辰崽比依違犯教令致父自盡
例擬絞監候。